

21 miembro a huramenta pa e di 9 Parlamento di Aruba



ORANJESTAD – Ayera mainta pa 10:30 mainta 21 miembro pa e di 9 Parlamento di Aruba a huramenta dilanti Su Excelencia Gobernador Freddy Refunjol. Esaki a tuma luga den sala di Parlamento di Aruba y den e constelacion nobo tin un total di 6 parlamentario nobo. Dos di Partido Arubaanse Volkspartij (AVP) y 4 di Partido Movimento Electoral di Pueblo (MEP).

PRESIDENTE Y E VICE PRESIDENTE

Awe, pa 9'or di mainta, durante e prome reunion e parlamento nobo lo vota pa e presidente y vice presidente nobo pa parlamento. Dos nomber lo wordo nomina na gobernador como presidente y dos nomber como vice presidente y na e momentonan ey Parlamento di Aruba lo tin un presidente y vice presidente nobo. Aunke decision no ta tuma, indicacion ta cu Marisol Lopez lo por keda eligi pa e funcion di Presidente di Parlamento y cu Vice Presidente di Parlamento anterior, Chris Dammers lo permanece den dicho funcion. **BON DIA ARUBA** ta desea tur parlamentario cu a keda eligi pa sirbi nan pais hopi exito den e tarea importante aki. □

